

徐文長文集

徐文長文集卷之二

公安袁宏道中郎評點

門人閔德美子善校訂

樂府

張家槐 樂府俱近古惜拘於古

張家槐鵲巢枝使君纔出戶闔扉鞭行人上及飛
彈鵲母連鵲卵鵲母棄雛走何所曙衙聞郎報來使
君朝去鵲莫歸

悲饗歌

吳人饗越人，俎一臠，忤舌死，杖下肉少，甘骨爲土。

歌風臺

時漢高帝與英彭諸猛又知猛者
字欲昔故曰安得和葛鄂州作

醉媪酒臥媪，爐武家爐畔，肝呼呼，豐沛中群酒徒，噉
季鼻大，搏所都誰喚，降準而公平，十二年左肅還着
紅衫，應午炎七人所臨，萬馬環諸王，列侯敢不虔，獵
徒酒伴隘巷看，獨召故老金爵乾，惜青春，赭朱顏，乃
思猛士得將安，歸問野雞還我韓。

又

鄂州篇衡縣權渭也，俯拾所殘悲異代，良楚酸謂河。

高水流拍天渭兩過之河未然麻姑量海海愁淺三
尺鳥爪沒至骭大家作計一何長請看何人偏墮短

又

英彭不雌季心所猜今布越耳終當爲猊終當爲猊
不如我先之舊所得猛士十當一無遺十旣一無遺
安得不歌以思

又

雖渡江八千從非父老是使彼安識籍與梁巴蜀公
獨新城奉三老教發帝喪義兵若河日以東乃知王

者師上親長禮教下首功蜀公親歷效驗明乃知猛
士難四方守易戰攻誰兼不臨買馬聽擊太牢祀鄉
鄉聽叔孫通徵魯諸生驚禮四公遠來于商

予嘗夢晝所決不爲事心惡之後讀唐書李堅

貞傳稍解焉

堅貞十七之死靡他

去聲

數夢男子百兩以御

叶

貞覺

而志莫知其謂華盛來胥

蝶也

我親未悴廢沐垢首塵

膚敗裳如葉未秋虐使萎黃自茲以往必寢以覺角

雀謝穿筐梅罷標卷婁雖羶理不樂蟻矧已肉矣曷

感而蛾

音直

萬有膠轕曷可詰呵皇矣上帝其將謂何

六昔

昔朋友雉與鷃不得已今爲梟

昔骨肉鶩與鴨不

得已今爲鵲

昔宗親鵲與鶉不得已今爲鷓

昔

官府騶與虞不得已今爲虎

昔乳煦汗血駒不得

已今於菟

昔黔蒼萬夫莫今視之蠅所生

徐文長文集卷之三

公安袁宏道中郎評點

門人閔德美于善校訂

四言古詩

鴈臺詩

陸子嘗買鴈放之園以爲號又鴈臺在杭江干

左江右湖名山有臺近陽背陰鴈爲之來江海之大
贈繳无矢待鴈不來涼空覆水主人有馬客亦有舟
出自郭門於焉遨遊群焉以栖人亦鴈爾莊周爲蝶
孰撰厥理買鴈放生入雲出塞有問炙者張目不對

土魯番貢獅

羗飯官驛斯物不的官馬當災騰于馬脊俛嚙以牙
嗜馬肉炙四蹄裂馬如人裂帛獸威孔武觀者色沮
媚此羗胡若媚其母余呀以咨羗曰余乳當其出穴
若嬰離襁不見牝獅惟見我哺斯言不欺梁魯養虎

徐文長文集卷之四

公安袁宏道中郎評點

門人閔德美子善校訂

五言古詩

與林玉兩上人登會稽最高山山出秦望上率
可五六里玉公早有來歸之意因賦以止之
茲山一何爲柳首摩青雲遠去氣色古混沌儻未分
引盼涉陝洛毋乃隔夕曛中有舊社址尚見數偶群
短草覆井水遠松貯氛氲薄雲在其下猶羃高頂墳

玄釋諒能居人世未可云念子覺無上夙昔斷羶葷
焉能繫不食焉得不耕耘况茲值秋陽寒氣慘不聊
未可來居斯語子以慇懃

來晨憩廢孝寺 中唐雅調

可憐荒宇在於焉恣游賞古砌伏野草唯餘聖賢像
巨碣指高樹樹墨浮天上昔人不在斯悠然引遐想
暗入鳥初散道寒露猶瀼瀼回睇高山岑翻然策筇杖

登秦望山

素情祈晏遊領人事永失上此萬仞山復沿北溪水

顧瞻江海流。神去蒼茫裡。後峰千里來。旁嶂兩川起。
往昔窻中翠。今茲巔上視。佳哉是觀游。吾鄉亦信美。
沿秦望溪水

流水澄若無。溪魚宛遊空。磊磊聚圓石。潄蕩偏能工。
高寫象山曲。伏響迴草中。何朝飲麋鹿。蹄踪去難窮。
秦望山東南下折。有峰紫鐵色。錯豎似花藍。土
人呼雄鵝。突余贈名花。藍峰 聳秀

錯如鐵。色紫出土幾。千古寒空藍。尚繁秋水逆。難吐
剡削差。可擬帶插不。添嫵宛如齒。齟齬張吻訟所苦。

千秋獻組繡名號未得主直少讓中岑他山視應父
借言花蕊峰來春開何處

海樵山人新構

古莽伏圓址新構敞方榭去家不百步連山凡幾
衡門夾柝欄卑池注微瀉群峰列窻牖佳木依簷瓦
碑碣墻垣中階級陂陀下曠霽坦以來遠暮蒼然化
亭北指夕月高臺嘯清夜嘉賓燕屢入麗人時或迂
臥榻楔巖石旁戶達僧舍主人胡不歸樵海未云罷
東樵遡遊風於茲焉息駕

又曲池

潯池疊青山。山色落池裡。上栽百歲樹。下過三折水。
日夕衆鳥下。客至數魚起。助筵摘果實。開無種芋子。
上山一以望。高城正東迤。波漾堂壁瑩。野濶登覽美。
羨子善結架。多在聚景址。彼亭旣孤絕。茲地何曠爾。
與楊子完步浣紗溪。梁有懷西施之鄉。聞俊
明月照江水。截梁與子步。當時如花人。曾此照鉛素。
江流不改易。月亦無新故。薄雲淡松林。晴沙泛寒露。
惜言伊人。閨應在煙生處。

讀莊子 可慨

莊周輕死生。曠達古無比。何爲數論量。生死及大事。
乃知無言者。莫得窺其際。身沒名不傳。此中有高士。

海上曲

雪隱城月高。使君梯樓坐。縣綆訊謀士。但自苦城破。
問賊一何多。數百餘七箇。長矛三十六。虛弓七無餘。
腰刀八無餘。徒手相。右左轉戰路千里。百步一。無軀。
發卒三千人。將吏密。如果賊來如無人。倖至使君下。

又

暇日棄籌策、卒卒相束手、四疆險何限、但阻孤城守、
曠野獨匪民、棄之如棄草、城市有一夫、誰不如木偶、
長立睥睨間、盡日不得漫朝食、雪沒脛、夜臥風吹肺、
彼亦何人斯、炙肉方進酒、

日暮進帆富春山

日暮帆重征、江濶聊無度、峰翠逐岬來、樹幹參天去、
千里始此行、一日卽羈旅、石瀨駛清磷、雪竄聳殘素、
回歸吳山岑、蒼蒼眇煙霧、

松巖州舍舟登陸縱步十五里憩山麓叢榛遠

眺江中怪石

乘舟坐無聊，遵途所轉杳。急流赴海馳，怪石橫江倒。
仰睇峯崎側，惟見蒼翠矯。覆莽映赭壁，枝弱不勝鳥。
懸崖窄可步，聚纜密如篠。舟子勿前征，前路煙生草。
將至蘭溪夜宿沙浦 語句恍惚太初

中夜依水澤，羈愁不可控。遠火澹冥壁，月與江波動。
寂野聞籟微，單衾覺寒重。託踪蒲稗根，身共鷗鳬夢。
早發僊霞嶺 似杜紀遊諸詩

披衣陟崇岡，日中下未已。雄偉奠兩都，噴薄走千里。

百折翠隨人。一望寒生背。高卑互無窮。參差錯難理。
蔓草結層冰。喬木秀懸藟。晝餐就村肆。小結依崖址。
去壑知幾重。剡竿引澗水。回視高峽巔。鳥飛不得比。
自浦城進延平

溪山孕鐵英。惟石穿水黑。馬齒漱寒流。冶火融初滴。
方艇走石鱗。白日飛霹靂。操舟信有神。出入坦然適。
以知庖丁者。游刃有餘歷。循理稱達人。險難亦何憾。
夜宿丘園。喬木蔽天大者幾十抱。復有修藤數

十尋。縣絡溪渚。

老樹拿空雲長藤網溪翠碧火冷枯根前山友精崇
或爲道士服月明對人語幸勿相猜嫌夜來談客旅

清澹灘

黑鰲穴地山喫沫從天下春雪跌深潭驚雷迸鐵罇
回思身所經險怪幾日夜老石萬片焦飛湍千里射
藥叉窺綠淵人命輕一訖或似鼓太冷青銅沸將瀉
女媧撒餘礫頑查攪不化念彼旣憮然值茲殊可訝
短檠起沈舟凸字捩深窰因之誤絲髮長與世人謝
浪怒一何愚終古不得罷有時搏陰飈寒色慘朱夏

借言呂梁叟何時答閒暇余雖愧達人笑對成一嚇
閩溪舟紫
形如占字

泛舟九曲

老王亂青冥皇天夜遺蛻餘骨散九州頭顱此焉寄
人視萬劫餘天意一夕計遊艇沸滄波髮鬚熱管衛
亭午入數折冲然元氣閉縣峰昇羽人毛竹倚仙舫
辟彼齒牙蠹生死齟齬內世人不解竒但識世間事
示之帝所遺惟以溪山聯

武夷道士示予魏王子騫蛻首見紫氣

不死者已去。死者留人間。骨骼自何久。飛置山之顛。
取視始伊誰。懸縋月屢牽。而不如餘鬼。安臥攢青蓮。
道士苦斯役。留函閣高椽。過客好奇異。啓闕請自便。
茲物真仙靈。磊磊黃琅堅。高頂泥丸宮。紫氣猶一弦。
晦明準天時。白黑互糾纏。胡爲黃冠流。示人禍福先。
爲予而變易。無乃勞子竊。玉蘊山色輝。斯理良自然。

丙辰八月十七日與肖市侍師季長沙公閱金

山戰地遂登岡背觀潮

奇縱

白日午。朱傾野。火燒青。吳蠅母識殘腥。寒。層聚秋草。

海門不可測。練氣白於擣。望之遠若遲。少焉忽如掃。
陰風噫大塊。冷艷攔長島。怕冰一何繁。水與水相漂。
玩弄狎鬼神。去來準昏曉。何地無妖奇。焉能盡搜討。

十八日再觀湖於党山

秋承自生幻。海若安措手。驚雷研雪獅。萬首敢先後。
山窺本避濡。俄驚足下吼。老壁拍波塵。千仞落衣袖。
望窮不見外。激灑明滅久。人天儼未消。劫火燒宇宙。
往昔每一覓。恐怖經旬晝。那知迫視惟其怖。應不朽。
豈惟我恐怖。天地亦應有。景往日既遷。恐怖亦却走。

蕭荷花詞

俗傳露筋娘
娘者即此

荷花一夕凋。萬里秋無色。獨遺花烈芳。千秋襲陂澤。
揚飈過大湖。風緊日已夕。水鳥冒舊栖。戢羽茭菰白。
弔古解維舟。去所不盈尺。秉燭塞繡帷。金翹嚴宮額。
燭滅飄然中。神爽凜孤鬼。念此芒吻微。奚啻雄虺索。
豈無冶容膏。貞肌以爲靡。念茲不能忘。惆悵至明發。

迷明教往上海

翫雪東門家。天寒雪正下。繁林積素花。群山映簷瓦。
杯至不得休。語密不可罷。鳥集池樹顛。色暝天欲夜。

顧予同恣人而有太息者云我爲道謀安得與君舍
余爲重解疏歛襟向前謝超言雖遣累離緒難釋坐
駕言春陽初那得便徂夏執手歸路中衝寒爲君話

寄善畫葛君

展筵不盡規墨色鮮於洗細圖萬壑雲寄我青山裡
感之不能忘聊寄短篇耳

入燕近選體

董生抱利器鬱鬱走燕趙賤子亦何能飄然來遠道
行止本無常譬彼雲中鳥朝飲西園池暮宿北林杪

感事復懷人生年苦不早欲弔望諸君跡陳知者少
垂首默無言春風秀芳草

古山篇贈余君

漸近自然

余君本今人而有懷古思三年臥白雲一醉撫流水
握管掃素箋閉門謝時事懶與今人交自號古山子

贈陳君

杭直

珍木無弱羽廣州饒勁鱗

皇都鬱異莢多士如繁

星陳君在鄉曲少小馳芳聲云我三百里可望不可

親昨予志廣覽自越之燕京日九君長安道二間知姓

名却復訊動止握手爲予陳自受相公知忽忽復幾
春一朝去鄉校今作太學生言溫動有禮志壯氣自
信。背頰口若海豐下而長身再往論文史終夕如倒
困。蒸思蔚以妍儼與骨相并。王良御八駿技絕物有
神。一日驚千里安得留其行。念予復南去攬策臨修
程。小見同越鳥祇入槍榆群。思君不能置短篇陳素
情。

戒舞智

富非聖所却。貧乃士之常。華屋非不美。環堵庸何傷。

多才戒舞智善閉靡不彰舞智向愚者弄偶於偶場
偶自不知弄爾弄何所償舞智向智者譬以光照光
彼光不受照爾照何由揚舞智兩不售不舞兩不妨
請君聽予言作善降百祥

寄彬中 似太白古風

鄴下老韋布能活刀下人魯連劇排難安得專其名
不見申包子含悽哭秦庭萬馬度關隴救郢却吳軍
潮聞同心人惡難等赴焚秦師不可出大義凜已明
裁併本莫致安命以爲貞

答和公旦

高垣沼我驅棘刺長如荻松柏年十寸至今長五尺
一朝鎚籠藩小鷗決蓬翟忽逢東來鴻相煦以雙翼
逝焉渺長江別子當幾日不能偕我飛一顧一悲嘸
雪

屋簷隙西棧密雪夜如織朝窺牀簾頭白慘高一尺
側身不敵搖寒籠戢僵翼伴侶同苦辛何從乞漿食
寄王子心葵 殊古

葵花似君心向日解違陰葵葉我所愧有足不能衛

與君夙相知。把葵吳山時。今日相思處。南冠繫楚條。

寄陶工部

短劔在匣中。秋水蓮花芒。芒色豈不好。終爲人所防。
所貴金玉資。含輝有餘光。諒哉工部君。璿瑜映明堂。
熏風動九夏。鳴音來鏘鏘。至寶吐洪亮。不特華澤芳。
沈思不能寐。攬衣視河梁。

均石篇 意色幽蒼

片石攝寒塘。冷。冷。箭竹黃。誰提數寸管。坐到一秋長。
我亦耽清致。傳聞今幾霜。翻飛乏羽翼。那得隨君旁。

想見蠹首綠坐令毛髮蒼疊膝嘉肺中望斷雲根觴
今我操題處青棘披孤墻日影淡無色十月梅早芳
欲折以寄遠無此長臂機料理作下人應少寒枝香
蔣扶溝公詩并序

零陵蔣先生者迅鵬鵬之遐翮乘龍蛇之屈
伸嘗欲頂摩青天手弄白日不著上下以栖
混元早歲妍精孔孟含藉六經故說有談空
不詭正道昔嘗出宰扶溝晚節薄遊四方挂
冠拂衣如渥在海雖隨光揚波於上代魯連

高蹈於海濱禦寇埋名於鄭圃先生放縱於
吾越可謂閉戶造車出門合轍者矣渭伯兄
淮恬澹厭俗弱齡訪道垂五十春玄室冥冥
未睹宮牆遭先生遡舟閩粵放於山陰邂逅
天緣值諸行道顧盼之間疑謂異人遂數譚
浹襟懸榻彌月過蒙收畜列諸僕御之徒既
而先生鴻跡遠曠再渡錢塘期計後來意得
執鞭長侍豈謂造物苛猛未更寒暄伯已化
爲異物烏乎陵海尚變人壽幾何金丹未成

玉顏曷駐渭，每念此可謂寒心。先生哲人，胡以導指南向耶？頃者又將浮湘江，並九疑，直指芝田家門，一入渭於斯際，能不依依。夫兄所師表弟胡不爾，恐塵凡之姿，仙聖所拒。曉哉死者已矣，生人去焉，存亡惕心，未以爲好。異日吸沆瀣之精，景陟壺嶠之福庭，飛九還之丹火，騎八極之游氣，則天凡殊塗相見，無日緬哀。伯氏重以離衷，因獻五言。

伯氏頗好道，終歲事修服道。上逢異人，髭鬚灑林竹。

修禮重致問。德音美如玉。扣之轉微茫。焦嶼游廣漠。
真得喪。奉侍雙飛向王屋。人命安可期。天猶互寒燠。
念別正徂暑。墓草已更以神泯。日中霜亭亭。風際木
逢師苦不早。煉攝總成哭。

柳浪堤楚頌亭二首爲溧陽史氏題

夾岼千章柳。青春翠浪浮。如將曲池水。共作遶堤流。
長蛇偃青蔭。水鳥悅芳柔。試於垂縷處。一繫木蘭舟。

又

屈子頌匪今。賦也志空寓。千載伊誰子。后皇錫嘉樹。

曾剡刺崇檐青黃揉廣昨見離騷永與茲亭留不遷乃其素

昨見 與下首俱佳

昨見食偶者析偶以爲薪零星椎股脾寸尺移尻臂
心胛本無有斧亦集其垠辟彼偃師工立剖瞬者身
彼偃師者析庸以免其噉免噉豈得已爲薪豈無榛
何忘食女德辛苦二十春食偶者答言當其爲偶辰
我卽薪視爾爾自不我知我志如此矣我欲爾也歌
爾卽軒厥舐我欲爾也舞爾卽蹈厥趾我怒爾唇閤

我笑爾唇啓凡我所控提爾卽如我自爾自不覺知
昧我蓄薪志

偶也

偶也難億許爲魚豈無知假令魚爲偶亦安避薪爲
此亦豈無謂聽我歌此詞當魚在沼時沼濶不容坻
沼旣不容坻研復朝洗之洗多墨豈少墨積盈沼池
從此再三洗喁喁恒在茲唇外無滴滴縫唇墨卽入
何況相沫唏君在大氣中塞海皆氛霾君今日與鼻
能免不埃噫蘇武在虜中磕頭背羊羝死生憑羝羝

起處亦抵隈，豈惟起處隈。嬉寧謝紙，嬉君儕人如此。
而況我也魚，我聞君里諺。契我魚也志，非佯情所知。
事急隨則隨。

狐粉

狐妖幻黛粉，窈窕美佳人。慕予且宜笑，情好緣相親。
物與人異調，孰識僞與真。答子以慙慙，靡由匪好音。
魅也一朝敗，情歇音則存。我欲灰茲音，匪乏煬與薪。
譬以寶胎魅，寶旣不我存。何由奪而殮，存此胎魅幽。
以不磨魅愆。

補屋

僦居已六年瓦落綻椽縫每當雨雪時舉族集盆甕微溜方度楮驟響忽穿棟有如淋漓辰米麥決篩孔五月候作梅一雨接芒種茵耳花篋衣爛書揭不動樵子不上山薪炭貴如礦生平好樓居值此念愈踴數椽猶僦人安得峻櫨栢買瓦費百錢已覺倒囊籠命工勿多攤寧艾聊救痛

作松棚 豪快

種松六萬餘千五百株活長養二十年六者僅如括

西齋落日多。六月苦炎熱。鄰園樹木稀。遮蔭不可得。
顧言種樹客。求用此時節。命兒召兩傭。伐幹并其麓。
幹以需柱梁。鬻以備周匝。四垂慎勿早。涼風任起。越
時移一丈板。獨踞文竹兀。伸紙二丈餘。舉墨陡一潑。
左盤持蟬螫。右壘把饕餮。挂衣梅葉梢。綠陰灑肺髮。

聖葡萄 與趣幽

去冬雪作殃。無物不凍死。橘袖斷。衢州松柏亦多痺。
園有月支藤。盤屈四五咫。結實苦不多。一斛有餘委。
迨其堪落時。九九挂瑤水。一日十挈竿。與鳥爭啖舐。

將以饒隣翁竊恐晒微細欲以什果坊不足一食費
幽之瓶盎間漿潰敗其脆湯夜爨茶湯暫可灌消肺
牲者理舊須應手落枯瘁及至更提攜僵梗忽斷碎
如入兩手足而痿其一臂支幹既以孤收穫焉可倍
復累苦系揄脚以障西墜

刈圃 似韓

草孽始一寸及壯丈有餘豈直藪卽帶兼以館蚊胥
夜熱不可寐寧止不露居竊恐值此輩股髀遭其咀
就山擬厥罪蚊也尤其渠其他不出境惟此遠追趨

穿幃眇純塵打撲不勝劬更審以迭進安得盡屠諒
聚響苦不震萬鼓嗽嬰雛王者攬夢寐一夕百起呼
蚊孽固莫通草實主其這呼竟聞腰鎌不用安所須
難此忽如掃一翅不得儲譬彼塞垣莽往往伏戎胡
煎然燒其荒窟穴空妖狐莫謂野人賤刈圃并雄圖

黽磯研

禹封石鄉侯膺塵黑
也新樂者青州王也

向者寶端欽近復珍黽磯在海感蛟虺文理多瑣奇
白者爲雪浪星者黃金泥碎者銀作砂角者絲纏犀
舉手摸其理索索錯響飛分符軍石鄉庸以鑿膺縻

曩者辱新樂遠寄青州來一夕忽失守仍召頑滑資一字十研磨一行百推移淹此斫陣馬羈控不得馳乃者董文學匣有方尺儲舉以爲我贈與新樂不殊

問軍中之系於國用

吾宗兩支其一雖衰而時一振尚有針于廷而

仕者最衰者則我之支也

吾宗異秦嬴秉德嗜仁義縣延值

盛明仕版頗齒

齒先人秉魚須聯蟬及諸季列秩下大夫往往有三四迨及賢科書至今時一綴萬木有榮洲一體互強脆屈指四紀來學庠一臂耕者闢其鋤賈者降爲

僧士者無一人慵者倚而待飽者幸免饑餓者幸未
可至論飢嗣間十室九蜂葛基寢蒸禱時顧影兀孤
介甚者乏繼承餒鬼滿蒿薤余雖有兩兒性頗仇簡
冊飲牛未渴辰按項不能俛緣茲傷後昆思欲譜先
代念彼從戎人蔓遠瓜尚帶况值用也來舉扣其大
槩彼哀更倍茲擲筆爲一慨

避暑豁然堂大雨

可謂無景不寫

梅候苦歎蒸幸得五日霽涼風驅濕魑奏功未全濟
春言高山顛有堂敞西翠松篁作籟竿蕭颯爽神智

乃借二三子挂絺於其地買酒穿市中炮鼙腥道器
止取醉飽爲安能謹趨避祖跣擇樹依叫號枕磚
郡也追東廂狂來忘邏逮非非日將傾理筇方卽邁
雷雨自西來初尚雜晴蜺一言未及終振瓦落簷外
衝風捎健鶻寸進得丈退高景殊卑觀窳鳥在屑際
木言迺炎苛翻令咏奇致百事兼熊魚往往非著意

哀駱懷遠公驗詞

懷遠好詩什近體有佳聲遲余去五泄深衣遠相迎
長身而瘦頰自有山澤清命酒不停竿酒罷有餘情

迫子歸來後，往往問寢興。
魂肩腊松火，柿縷霜秋晴。
寄此遠筐篚，兼致倡與賡。
何時以狸首，聞之使心驚。
道遠不得往，逋此泉下羹。

野蠶 兩細邨自老

越桑雖云盛，不及吳中繁。
越女賣釵釧，僅可完蠶山。
如斯苦拯救，良亦可憫憐。
如何野蠶種，孽息多今年。
曳絲滿郊郭，食葉留其筋。
葉葉如蟲網，枝枝垂釣緡。
涎縷無所用，膠衣黏頭巾。
過者苦拂拭，桑女交憤羣。
提筐往西園，空手歸東隣。
卽欲買釵珥，有錢無桑村。

嗟彼機上杼秋來鮮聞聲匪來猶可說國輸良有程
衣食無二理蠹衣與食均嘗聞捕蝗法及此同焚焚

范母詩

即燎原

秉節三十年萬有二千夕一夕改霜心曉鏡換粧額
范母二十二獨居在羅幕五十七乃亡天長日幾落
獨持一寸冰萬古膠夜席當夏不得融何況秋霜日

白鵲

錢子易書故曰三
孫蓋鏐之後也

野性悅鳥魚客寓尚籠致正如好竹人借居亦栽蒔
鴈鳥自南來質入西河里王孫好法書籠以易吾字

墨絲繡雪衣。綠羅作襦。帳有時。嚙喉中。嚙若。弱雲際。
日夕。洲水波。秋樹。葉微紫。送客。不出門。白玉掃長苔。

越王嶧寺有僧歐堯蛻

味如薄日幽花

伯圖既灰寒。袈裟亦禪冷。都付塋工泥。迅矣千秋瞬。
我來值桃花。有似蝶遺粉。一宿歸去來。晨齋飽蔬笋。
子效索贈其兩叔

勞子爲我言。翁去不復活。骨鬼既已寒。生事亦不熱。
多我諸父慈。視侄等。見列時時惠。釜鍾。廚中作糜愛。

送章蒲圻之官

嘉祐

傾蓋語日斜。肉風吹兩簾。惜哉越雞翰。遇鵠不能拖。
眷言激獎私。忽駕就遠道。尚矣漆園心。爲吏不敢效。

柳元穀以所得晉太康間冢中杯及瓦券來易
余手繪二首。券文云。大男楊紹從土公買冢
地一丘。東極閭澤。西極黃滕。南極山背。北極
於湖。直錢四百萬。卽日交畢。日月爲證。四時
爲伍。太康五年九月廿六日。對共破剪。民有
私約。如律令。詳玩右文。似買於神。若今祀后
土。義非從人間買也。二物在會稽倪光簡冢。

地中於萬曆元年掘得之地在山陰二十七
都應家頭之西尚有一白磁獅子及諸銅器
銅器出則腐敗矣獅尚藏光簡家 閩有黃

兎窰

邇思家中有杯不能飲孤此黃兎窰伴千三百稔
券鏹四百萬買地作衾枕想當不死時用物必弘甚
斯壘羅寶玉裘袂賤繡錦豈有纖纖指捧此鏹泥輩
存亡隔一丘華寂迥千仞活鼠勝死王斯言豈不審
又

古人笑不飲此說豈無見五斗吟劉伶哀來淚如霰
嗟彼太康子冢中亦杯塢固知好飲徒無咽可澆
懷出黃土中忽復受傾瀼彼避秦人乃不知有漢
我欲學盧充詣市賣金盃庶幾遇小婢知是崔氏玩

送蘭公子

阿翁亭師也揚州人

耶溪芹藻色相伴秋荷老公子竭重來傷心那可道
會日苦無多相別一何早八月廬陵濤一葉渡殘照

夜雨偕友人進舟雲門

幾與杜爭臺壘

夜影疊中流進舟簞竹浦鳴雨來斷雷山雲濕可證

及岍沿黑堤攫猪復愁虎燎火得緇徒怖餘澁言語
芋壚聊炙衣一笑顧尊俎

天目獅子巖

按是高峰潭處相傳嘗爲張真人所據師爭而有之張道陵與魔爭

青城事

見其傳

我昔聞真人言修不死身選地滿天下與鬼爭青城
一岫插天目宛爾怒猊獐老釋據其口黃冠復來爭
黃冠匪他人云是真人孫朐曇本上聖高道超沈冥
說教雖異軌俱以退讓名區區百尺鐵青紅抹秋榮
龍女買色線一夕繡可成胡爲兩龍象角吻同蒼蠅

賦此覺蚩蚩鑒之慎勿聽

燕子磯觀音閣

起語酷似大蘇結更蕩放

青山如美人樓觀卽蒼粧若無一片鏡妙麗苦不昌
茲石一何幸值此江中央上乘巨構支下集帆與檣
朱碧得水鮮鳬鴈拂波光煙霧不見海神去萬里長
我與三友俱兼以僮僕雙目西買市飯半道謝驢羶
五口將十足蹶然餒且僵百錢成一遊安得甘旨嘗
歸來乏燈燭微雨沾我裳沾酒不成醉頽然倒方牀
猶夢立閣中遙觀大魚翔

野火

馬血爲轉燐，人血爲野火。何爲松柏間，赤輪啖如跛。
人言鬼炬微，神者赤而大。驕導向空馳，填雲盛旗馬。
枯冢僻且荒，來遊則云那。我欲往詢之，恐卽無可話。
隔河聞於菟，黃犢夜在野。一夫呼以馳，炬滅松露瀉。

鷹

味嗽相鷹書也出雜俎

俱雄逸

味嗽識奇才，千金買遼海。鐵鬬映秋空，駕鷲百迴敗。
雲中作戰場，韓彭鼓天外。

馬

誰家連錢驄，秘撥黃塵起。千里一飯間，九州能有幾。
健兒不得騎，淚落青鞵裡。

犬

少年獵平原，左盧右宋鵲。兔起鶻落遲，一顧先已搏。
但莫空中山，前頭有湯鑊。

狸

狸雖一尺軀，猛氣制十里有時怒。一號無牙墮梁瓦，
安得此輩來坐吾書匣底。

俠客

得此覺古詞爲腐

結客少年場。意氣何揚揚。燕尾茨菰箭。柳葉梨花槍。
爲弔侯生墓。騎驢入大梁。

麗人

與太白素手青條上並勝

何處行雲去。遙遙出洞房。月裡儵並色。鏡中無此粧。
所思望不見。綳袂日邊揚。

才子

芳俊恰合

佩筆不須長。高唐侍楚王。紅蘅槩邊山。白雪山中翔。
殺青供不及。一夜白瀟湘。

酒徒

古麗

御史別淳于。金釵墮長夜。五斗不濕唇。雙鬟抱壺滿。
笑殺斗升腸。耳熱索竿蔗。

遊大尖

松茂桃
復盛花

萬松滴千山。妙翠不可染。割取武陵源。固是天所遣。
秦人跡無有。雲中叫雞犬。夜泊漁舟來。下山尋不見。

空上人常住少林。索作於菊下

閒雅

相逢菊花下。相映菩提光。試問少林壁。穿雲幾許長。
指月莫盼手。擲拂開。挂牆睡。軒微作。吼獅子。一時降。

宗孫有別字柱南者。索賦

大柱山
在城南

天柱插南雲。孤城滿蒼翠。小鳳讀書餘。內殿窺粉雉。
大魚作鳥飛。風笑萬林鼻。舍北以圖南。物與人意會。
念彼共工額。幸不觸斯際。不然小折傷。恐煩太皞妹。
小鳳顧予言。補天吾掉臂。

上冢

調逼古

吾叔邵武公當年與我翁。雙陪閩蜀守。竹馬走兒童。
歸來知幾日。相繼歸窀穸。黃泥閉雪髭。欲會那可得。
叔家城北居。高棟亦彫題。邀賓久駐馬。爲母日烹雞。
一朝桑海換。不能保子孫。負薪冢上道。養鴨水邊村。

我今六十五，仍高破角巾。年年上爺家，每每到孫家。
孫家留我坐，孫婦辦湯茶。以我上冢牲，啖孫且滿引。
遶籬黃蝶飛，抽籬高碧笋。起視檐西東，分簷住蜜蜂。
問蜂窠幾許，四十還有餘。窠窠如不敗，勝我十畝租。

鵲攫鵲雛鷹黨翻然來救

杜蘇之間

水鳥修其脰，插彼茄苳澤。俛啄溪蝦魚，深不下三尺。
況乃喙中倉，可內寸鱗百。江海饒此州，何往不充喙。
雄鵲知乳雌，作室高樹末。三月始罷斤，是予親所炙。
長脰一何褻，掠雛剽其宅。叔仲兩三頭，自窺寧顧伯。

顧鵲翁與母呼噪徒頌頌蒼鷹等路人與鵲少平山
不作鄉隣看被纓救其格特恐李陽拳難整為垤頌
盛邀爽鳩雄並是夷門客朱亥袖鐵錐侯嬴出奇略
左右信陵軍一舉解趙壁五國破大秦九合成小白
義高誠足憐多筭亦何碩磔虺黑柏顛獨奮少犄角
猶煩拾遺歌不朽俠徒迹三復鴟鵂詩白日爲儂黑

感鷹活鵲雞事因憶曩術術梓巢鸛父死於弩

項之衆擁一雄來匹其母母哀鳴百拒之雄
却盡啄殺其四雛母益哀頓以死群凶乃挾

其雄逸去

語語古雅

鸛娶止一時古語亮匪誣戰門巢梓者狹斜挺羅敷
少年繫青絲蹶張戎侯衛胡不自長守轉殘雪色
乃向琴瑟杪落此貞女夫群雄太無賴挾鯨匹子都
有如惡媒姆送贅填門閭借衣盛絳蔡叶吸傾百壺
玩習爲故事指鴈翻濶迂孰知狹斜內而有羅大家
賊雄殺黃口希以威怖圖列夫義可族何計收其孥
此事去已久三紀頗有餘其時裂肝膽狂走日夜呼
安得毛犢俠似此鷹活離弁州隔幾海有物暗高語

設爲魚蝦所詰

啄鵲憎大鳥無恤吾子然從臾飽蝦魚子意一何偏
鱗卽賤於俛於孫何擇焉盛冬水如石膠鬣不得旋
孕腸急輓鼓張目不得眠芟菰牙始自桃花漲春田
戾塊出纍瑣多死漁者筌鱗祿及鵲鰕較估誰艱難
矧茲網罟酷百倍鳥有鴈雛攫予不許鱗爛子許旃
乃垂漆園理奪蟻與烏鳶等爲一盜耳何猛此彼寬
竊東子則許竊西子拘鉗波臣詰如此而我難爲言
衆生逝吞噬此業何時捐西方古先生解破萬壁堅

龍門儻罷躍、飛去好相參、汝或未卽去、我姑代彼宣、
三戒嚴重殺五淨肉、亦權鵬飽六月息、孝先腹便便、

天竺僧

揚帆三竺、渌弭錫五羊、城黑人初以涉、琉球次所經、

波弧十五兆、日矢九千羸、

初至黑人次至琉球至廣州凡涉三萬里歲三周以

張矢莽之得此數

人疑鵬六息、彼視蠖一信、衍旣隘九土、師

亦耿八垠、片楮盡大卵、沃焦瀟孤萍、劈芥內閣、浮粉

塵陋虛鄰、鐵籠臥龍象、銀瀾恬蛟鯨、梵唄隻字掃江

海、百谷臣云、胡白蠟底刀、有赤篆文象胥、幾何譯龍

樹鮮悲。嗔挂履度。蔥嶺跌湫。蛻巖雲。役夾葦。南寺乃
借領西昆。漏沙自箭。準聖水。他濤奔。有爲乃復爾。無
量何由臻。相色示戲幻。接引詎勞塵。白馬幸維寺。黃
龍未演輪。薄病阻問訊。擬待桃花春。

煩吳伯子治墓堂 大雅之作豈何李可識

火瘞世曰凶。水封豈佳卜。兩徙踰五紀。先鬼偃幽瀑。
多子爲我更。我遽往京國。買石百尺餘。托子安墓卓。
子元辦未遑。我歸上冢哭。鵝魴設未已。老稚掠殺肉。
候果墓旁兒。指告蟻上燭。草設無威儀。人怠物不肅。

坐此無款期、改燧十二木、乃三年也昨者賣字錢、募工可
五六、仍以煩吾子、欲百了一役、

早禱十七韻次陳長公 詩亦遍蘇長公數篇

似靖絕

早魃虐以猖、前羊乃深避、雲漢夜昭回、遵彼橘條肄、
絕意承涉波、必死蚌持翠、蜥蜴山澤窮、殺稀屠賢致、
黃繡通明詛、玄冥等、龔隤如聞柴、望禋感通有精義、
洪疇傲恒陽、絲露肅常饋、商林沃乃深、秦天豈終醉、
壇今隣閭闔、閭亦撤幽閭、雷吏綠章封、寧有不達字、

油然未崇朝。沛爾修濡漑。虎貓效蜡勞。豐隆響群崇。
連臂解桔槔。極目望枯悴。歌帝悅穰穰。報典虔惴惴。
宴人無農憂。連夕美涼蓀。農獲譬中行。美蓀猶其次。
糴賤勝作農。先生有酒食。

陳長公餉日鑄茶瓦窰港銀魚白下法炮巨監
夜酌深談次其韻

日鑄標槍芽。月團捲旗避。纖甲赭舊條。柔針綠新肄。
瓦窰五寸銀。脊色偃微翠。雙裙謹可談。九肋底能致。
伯云準食醫。治以聰我贖。斟炮法內京。酌長非外義。

珍此五侯鯖、慚余十漿饋、主旣唱、無歸客、顧稱未醉、
階蟲先秋吟、徑竹上霄闕、叔夜寂鳴琴、子雲寥問字、
待扣匪洪鐘、立涸是盈遂、泗鼎曠沈淪、神姦恣猜祟、
伍員終鴟夷、三閭竟憔悴、白駒返谷空、黃鳥臨穴憊、
千古究何窮、再燭不能寐、曲禮問更端、梵詮編復次、
伯槥旣已空、吾出吾簞食、伯子近
稍重聽

修拄杖、首修髮、網膠漏磁壺、及哥窰甌、某亦病

隻耳聾次前韻

猾器幸自殘、黠絲巧規避、辟諸鞅掌人、彼逸此獨肆、

一竹楚帝頰雙磁越審翠物非人易求道遠我難致
無丞有重聽髮覆彌黨賁約髮無紀綱晨帳缺宋義
握粟付駿工寧減朝食饋詎意彼駿者無往不辭醉
編纓高箱塵馬尾枯橐閔眼瞢攢八針邀呼輸四字
浪言伏卵清竟滌下流遂極東起蓬鬆嘲呼免魑祟
竹返磁亦歸黥補色終悴注无習靡昏捧玉神若喘
甌破視何益囊空臥安寐辱卽寵爲下老子云寵辱若驚爲下孔
云其次辟色色卽禮貌之衰也辟乃色最次屠門盛
其下則麋餓受周近豕交矢豕交寧爲愛而食

早甚久不應禱再追前韻

祝融黨義輪玄冥引車避課窮。燧人蘇。敘及棗杏肄。
款。新。稿。厥。頽。壇。殺。禿。其。翠。走。索。華。陽。通。沈。瘦。永。難。致。
竟。辜。燒。尾。恩。翻。仇。聽。角。贖。玩。惻。如。不。聞。曠。疎。秉。何。義。
余。齋。廢。酒。沽。朋。祭。阻。肉。饋。方。嗤。澤。畔。醒。敢。思。河。朔。醉。
承。風。獨。有。雌。納。月。幸。無。閔。哽。哽。向。隅。悲。咄。咄。作。空。字。
朝。廷。聞。客。云。宵。鋤。盜。隣。迷。雲。密。不。東。郊。竦。孽。復。西。祟。
昨。子。凜。今。靡。舊。殍。理。新。悴。漸。少。藩。乞。驕。而。多。褐。夫。惴。
待。盡。歌。有。爰。無。咤。所。尚。寐。感。此。疾。威。旻。遣。以。競。病。食。

送友人

清世

寒風夜中起游子朝作客河流一尺冰屋瓦三寸雪
君把轡與鞦觸手冷於鐵此時山中人覆絮敗毛褐
欲寄寄莫由此意共誰說

送王雪漁北上

通篇快論中數語更豪雋

淮陰所佩劔不審值何許佩劔以釣魚於義亦何取
一日幾垂竿竿竿可幾鯉叶乃至捐漂廚庸以益漁
肝我取魚之劔聊略爲漁估卽非百金資可易數月
黍漁也智絕倫何獨昧茲舉腸饑乞可爲劔去何所

仗之楚復之漢漁並仗劒往可以負漁竿跟蹤見劉
項猝辦恐後時載質先出疆叶上聲王郎不釣魚故亦
無竿餌問郎所持竿貫以山中紫毫長一寸餘竿只
五寸止居則南狎越行則北聳燕淮陰劒三尺郎劒
五寸縣歸來報千金漂母是何人封侯劒不取却取
釣竿親

吳季子餉我細腰壺蘆石上芝

葫蘆老細腰乃似細腰女卽令楚宮來今亦不堪舞
我聞方外醫庸以盛藥在梧子及魚眼可容百萬千

老圃畜蔬種亦鉤一頃田。我旣醜醫帳亦復少蔬肝。
擬挂於扶老支吾五岳顛。心強足不健終歲掩帳眠。
止取作蒸鵝聊以謔客涎。

又

幽沈古雅

芝朶雖不潤芝色堅且古。根鬚絡拳石如筋蝕臂履。
絡古不復脫初芽寧藉土石色。旣已黃芝紫亦稍嫵。
有如意。懸梧狀貌乃婦女。穀城弔老人淚下潛如雨。
置我筆研間長與髡侯語。

大寒嶺啖新胡桃頻婆諸果

北游作

奇想

天險既已異地產應亦殊胡桃及平波朱碧明椒闢
入夏而徂秋葉翠尚不渝但少鳥與雀而多羸與驢
易水非不通灤河不爲迂但求一寸鱗如海求獾狙
遙想燕太子食客焉得魚以知荆高徒日嚼羊與猪
猛風增食肉嗔憤易睢肝慷慨赴秦庭不復顧其餘
乃緣謀略短豈真劍術疎舞陽一豎耳何乃與之俱
哀哉樊將軍空割一隻顱國有千乘大能用王可圖
乃恃五寸鐵爲計亦何愚

往馬水口宿煙麓陀庵

昔他良溪行茲山在雲際昨夕宿茲山雲乃山衣袂
因徒夾一輿兩膝奉至鼻一里轉百盤鋸牙不得直
結葦以爲廬削木冒金髻夜鐘但超懸晨雞聊一噉
巉巖旣高蹇巔峴復孤厲思燕趙時築城逼胡騎
矢得盡如斯脫甲開戶寐

湘竹一妙管付截壤其頂文

快喻

武侯敗街亭馬謖違節制兵穎邇不同大小俱是事
茲管湘中來百中其一耳有如玳瑁魚腦血徑彈子
又如鷺與鶴頂發楊梅紫全體匪不華獨此猶覺異

詎可拘尺寸。但須存紋綺。畏炎不得行。付托昧厥旨。
舉刀一鏗然。顛落不可止。持歸以復予。魚鶴不成理。
對之一捧腹。削圓方竹比。

口中

口中萬吞吐。莫道一俗字。芻豢離喙脣。冰雪滿牙齒。
身中百所爲。亦莫涉一俗。但爲鸞鶴翩。暮卽雲霞宿。
有斤不削人。有繩不直木。淤泥填大千。荷葉自抽綠。
從此戒爾後。慎莫蹈往覆。有如垂教言。斷舌牘其足。

騶虞

騁虞生猛虎鳳凰產臬鰲二聖有朱均太虛亦青豔
纖纖妙膚理益然長疣贅梗楠同鴻杵鍾鼎燬其際
橋樑匪不甘豪蠅匝芒刺美惡一何殊胎孕乃非二
越雞伏鵠卵變之苦無計果麻乘何神蚶蠋乃能似

墨陽 作頌偈觀

晏陽一髻左道人三朶花誰云只是你安知不是我
大海徹嘶冰小生沒處躲

又

聞道居縣竹看來幻落花團團輪北斗處處種西瓜

遍地皆祗樹何方不落伽

又

無鼻無眼孔有頭有尾巴蛟龍大螟蛉蝌蚪小蝦蟆
一結生自結百此無一些

又

將軍騎健馬稚子打慈鴉各奔前程路都來暮鼓衙
同舟迷敵國暮而認通家

又

何事移天竺居然在太倉
夢已熟黃梁

托鉢求朝飯、敲鑼賣夜糖、

又

明知騎竹鳳、還道媚妖蛇、可恕者、落帽難、饒者、脫靴、
一靈生滅已百吠、是非耶、

又

男女兼黃白、丁寧囑再三、特將鐵掃帚、痛掃世嬌貪、
竊幸師與我不異、青與藍、

又

火龍長九九泥蛇八十一、一物而兩呼、兩呼只一物、

將泥認外蛇、見蜂硬割蜜、

又

好人不在世、惡人磨世尊、聰明管自己、開元任乾坤、
遺命云、開帝多應是嚇人、

又

獅子吼未歇、蝴蝶夢已來、衆生自朦朧、抵死致疑猜、
認賊由他去、謗佛何爲哉、

徐文長文集卷之五

公安袁宏道中郎評點

古歛郝之璧子荆校訂

七言古詩

贈呂正賓長篇

海氣撲城城不守。倭奴夜進金山口。銅簽半傳鷓鴣
膏。刀血斜凝紫花繡。天生呂生眉采豎。別却家門守
城去。獨攜大膽出吳關。鐵皮雙裘青檀樹。樓中唱罷
酒半曛。倒着儒冠高拂雲。從遊泮水踐繩墨。却嫌去

采青春芹。呂生固自有奇氣。學敵萬人。非所志。天姥
中峰翠色微。石榻斜支讀書處。

三茅觀觀潮

意似長吉却復清亮

黃旛繡字金鈴重。仙人夜語驕青鳳。寶樹攢攢搖綠
枝。海門數點潮頭動。海神罷舞迴腰窄。天地有身存
不得。誰將練帶括秋空。誰將古概量春雪。黑鰲戴地
幾萬年。晝夜一身神血乾。升沉不守瞬息事。人間白
浪今如此。白日高高慘不光。冷虹隨日縈城隍。城中
那得知城外。却疑寒色來何方。鹿園草長文殊死。獅

子隨人吼祗樹。吳山石頭坐。秋風帶着高冠拂雲霧。

陰風吹火篇呈錢刑部若附書

八山

側聞公遠臨江許。普薦國殤補化理之不及。
超沉淪而使脫涓敷揚鮮才歡喜無量賦得。
陰風吹火篇以獻附書別作四首兼乞覽觀。
率戲效李賀體不審少有似否別奉唐集一

部伏希垂納

較長吉神絃更悲黯

陰風吹火火欲燃。老梟夜嘯白晝眠。山頭月出狐狸
去。你徑歸來天未曙。黑松密處秋螢雨。煙裏聞聲辨

鄉語有身無首知是誰寒風莫射刀傷處關門懸纛
稀行旅半是生人半是鬼猶道能言似昨時白日牽
人說。兵。事。高。旛。影。臥。西。陵。渡。召。鬼。不。至。昆。盧。怒。大。江。
流。水。枉。隔。儂。馮。將。呪。力。攀。濃。霧。中。流。燈。火。密。如。螢。饑。
鬼。未。食。陰。風。鳴。闌。體。避。月。攫。殘。黍。幡。底。颯。然。人。髮。豎。
誰。言。墮。地。永。爲。厲。宰。官。功。德。不。可。議。

楊妃春睡圖

風流繡艷宛爾長吉

守宮夜落胭脂臂玉堦草色蜻蜓醉花氣隨風出御
牆無人知道楊妃睡。早紗帳底絳羅委一團紅玉。

秋水。畫裏猶能動。世人何忙。當年走天子。欲呼與語。不得起。走向屏西打。鸚鵡。爲問華清日。影斜夢裏。曾飛何處雨。

雪 快想自住

暮天寶色。珊瑚紫。海氣結雲。雲不盡。瑶闕重闌。金鎖寒枕。席無歡。帝妃死。百神走馬。散曹吏。馬蹄踏空神。各視天孫。纖手裁素羅。總帳橫施。九萬里。鮫人絲色。光海波海。犀輪織一萬。馱神人。買贖不足。用長鬟散。縞呼諸娥。世人不解。天上苦羅帳。錦箏圍日暮。換民

貂襴拂玉鞍。起向山南射黃兔。

萬里比隣篇贈嘉則

白藤織笈春花密。青袍剪水波紋濕。出門寸步卽天涯。
泥幃底。牽衣絃正急。關山斷路不斷雲。吳刀割水那
得分。章華楊柳弄舊色。何地却少春申君。人生遠遊
須及春。青天能容七尺身。芳草長途去萬里。望望吾
家隨處是。

述夢 有古瓶

伯勞打始開燕子。留不住。今夕夢中來。何似當初不

飛去憐羈雄、嗤惡侶、兩意茫茫、墜麈煙門外、烏啼淚如雨。

又

跣而濯、宛如昨、羅鞋四鈎、閒不著、棠梨花下、踏黃泥、行踪不到棲鴛閣。

今日歌

是年虜寇古北口入薊都城

琉球佩刀、光照水、三年不磨、繡花紫、換錢解、何市中、懸我貴、彼賤無人市、家惟此刀、頗直錢、易錢不得愁、欲死客問此刀、值幾何、廣州五葛飛、輕雨乃今求市。

不較量、但輸三萬錢、亦止千人、往九不顧、向乃長
立折雙趾、一日不食、良已饑、兩日不食、將何以却走
異縣、告長官、往日停車、僕知已平生自有孟嘗心、今
日翻思門下士、

二馬行 蝨挫宛鬱

誰家兩奴騎兩驄、誰是主人云姓宗、朝來暮去夾街
樹、經過煙霧如游龍、問馬何由得如此、淮安大荳清
泉水、曾排兩嶽橫、難駕尾撒圓毬、驕欲死、陽春三月
楊柳飛、騎者何人看、看稀梅花銀釘韋、帶肥京城高

帽細褶衣馬厭參養、有威出入顧盼生光輝、去年
防秋古北口、勁風吹馬馬逆走、對壘終宵不解鞍、食
粟連朝不盈斗、將軍見虜飽掠歸、據鞍作勢平賊走、
士卒久矣知此意、打馬追奔僅得殼、天寒馬毛腹無
矢、饑腸霍霍鳴數里、不知此處踏香泥、一路春風坐
羅綺、

送南應可之湖州

梅黃雨霽帶陰輕、送客西門驛路平、會多忽別疑且
驚、愁心應手絃、淒清荷花鏡裏紅、侵舫時共耽遊楫、

徐漾思君若溪若天上。空佇清歌對誰唱。

觀獵篇

并序

蒼涼入古

王將軍邀予觀獵時積雨初霽飛走者避匿
予從將軍諸騎士牽狗出太平門抵海寧沙
上頃刻馳百餘里不見一雉兔而還乃割所

携鮮飲月唐寺中

茅刀割水嬌紅茜風偃寒梢臥長堰青林疎樹隱荒
墳白水茫茫看不見將軍本是北平豪記得依稀身
姓曹怕向揚州作貴客慣從下澤驟鳴鑣萬里秋郊

半似舸千騎、圍中一是我、箭叫、猱、鴟、龍、騰、快、馬、趁、鹿、
逐、麋、解、縑、掣、鎖、耳、後、生、風、鼻、頭、出、火、自、來、此、州、殺、賊、
不、暇、阜、鵬、氣、銷、韓、盧、鬼、墮、昨、見、儒、生、衣、長、履、大、入、揖、
令、公、揮、金、不、謝、抽、筆、制、詞、彎、弓、輒、射、任、釋、挾、屠、剗、牛、
食、鮮、外、枯、中、腴、無、所、不、可、促、騎、請、邀、徵、徒、出、野、牽、犬、
莫、遲、見、兔、輒、打、驚、過、大、兒、一、發、斷、髀、爲、先、生、壽、引、滿、
十、竿、健、兒、跪、領、將、軍、言、翻、身、上、馬、去、如、煙、寶、刀、映、日、
不、足、數、角、巾、受、風、真、可、憐、淺、草、平、堤、水、痕、聚、萬、蹄、避、
水、移、家、去、沙、擁、肥、螯、掠、忻、飛、絲、牽、小、牙、當、空、乳、漢、將、

窮追路欲闌。胡家甌脫避何難。今朝立馬祁連上。不見匈奴一騎還。

題任子家所藏雙鳳鳴陽書

海水動天天欲曉。天曉日炙珊瑚老。鮫人泣夜不得眠。早起來聽鳳凰叫。梧桐百尺秋雲際。竹梢覆水千年子。一飛一宿還一鳴。百神張樂鈞天啓。梧生誠亦難。鳳出良不易。願以黃金鑄梧桐。莫教飛向丹山去。

畫鷹

閩南縞練光浮膩。傳真誰寫蒼厓鷲。生相由來不附

人緣。講空着將軍符。八月九月。原草稀。百鳥高高。詭
走肥煙中。歛翼遠不下。節短暗合。孫吳機。此時一中
貴快意。深林燕雀何須避。惟將搏擊應涼風。誰貪飽
齧矜山雉。昨見少年向南市。買鷹欲放平原。繼凡才
側目飽人餒。不似畫中有神氣。夜來鷗梟作精魅。安
得放此向人世。秋風一試刀稜翅。

贈歌者 綺色欲掩張籍

東風吹雨。楊花落。清歌細遶鳴鐘閣。斗酒將傾。客不
來。白日斜飛晚雲薄。回腰欲舞不得舞。試買羅衫倩

誰估

對明篇

所謂狂語不須刪

四明山高萬丈南爲姚邑面前屏北卽新昌後門屏
新昌有客身姓呂要與此山約爲主尺素馮將一穴
通屋後安窓小如許窓中有時颯颯風而說是山靈教
送與夜來猛虎嘯一聲雄心枕畔風吹去長安花枝
高入天金陵有酒多如泉花留酒勸不肯住歸來只
愛窓中眠窓中有書積萬卷書盡是山靈管有才
無命不干時亦對山靈同一莞聞道去年醉采石醉

去狂來呼李白散髮題書萬竹中。騰身舞劍青天側。
此時山靈失主人。自騎青虎尋復尋。肉眼那知神道
至。主人自識交親臨。揭來筆端自有神。橫開醉眼雙
作真。此時墨雨添江水。此際詩花弄莫春。○新詩○折○莫春江水
渺無邊。射策封書復幾年。明珠不遇賈胡識。寶劍難
酬夜色鮮。詠諧漢庭方朔老。如聞永謝長安道。況我
今爲抱拳人。蟻虱移家宮絮襖。兩人曾作青春身。當
時同說不同貧。君今幸不爲樊鹿。亦似蛟蟠不得申。
蓮花之峰亦佳麗。君胡中道相捐棄。邀我題詩對四

明我自食君百壺旨，只恐蓮花噴四明。喜我亦付之一醉矣。

繼溪篇

海水必自黃河來，桃樹還有桃花開。試看萬物各依種，安得蕙草生蒿萊。龍溪吾師繼溪子，點也之狂師所喜。自家溪畔有波瀾，不川遠尋濂洛水。年年春漲溪拍天，醉我溪頭載酒船。一從誤落旋渦內，別却溪船三兩年。

北雲篇

君家樓北樓子山、大椿千年去不還、白雲一片松間、
起游子、相望淚如雨、殷勤夜烏、莫更啼東方、日出煙、
生縷、

賦得百歲萱花爲某母壽

二十年前轉眼事、憶共郎君醉城市、阿母烹雞續夜、
筵、夜深燭短天如水、我母當時亦不嗔、郎君過我亦、
主人、兩家酣醉無日夜、憊愁甕、怨杯生菌、只今白首、
二十載、我母不在爾母在、八十重逢生日來、嬖屏况、
復門庭改、我今破網未畚然、兩翅猶在彈丸邊、郎君、

長壽書一紙阿母多應贊一言上壽誰人姓張者圖
裏萱花長不謝阿母但辦好齒牙百歲筵前嚼甘蔗

楚宗室雞將啄蟻肅 起語雅興

錦葵窠下雄雞白黃蟻有翼飛終誰不應草葉更相
遮五寸荊軻千里隔王孫妙思快啖吞馬遷奇筆寫
鴻門當機對敵只如此翻令看者飛心寬

沈刑部善梅花却付紙三丈索我雜畫

長安街上塵如霧葛布眼眼風難度歸來掃洞索長
箋一束溪藤沈刑部墨漿五合飽蒼蠅刺葉藤花掃

不成門前銅盞呼人急。却是冰兒來賣冰。乾喉似火
逢薪熟。一寸入口。狂煙滅。自斷野卉。不成妍。刑部梅
梢如拘鐵。

送陳君會試 宛折次第有法

霜花作錢。綬芳草。折荷送客。邪溪道。荷乾葉老。障啼
鴛不及。梅花弄清曉。折却梅花贈所知。娥江東邊舜
江西。封書七尺長髯客。早晚長安白馬嘶。長安白馬
去如雲。杏花有情要逢君。爲君留却花三載。肯倩東
風嫁別人。去年君來棘牆柵。半醉不醉秋月白。遺我

海蚺顆三百瓦溝。一瑩霜雪。今年君馬向長安。我
無一絲挂君鞍。但飛一滴相思淚。萬里隨風到杏園。

天壇

高皇乘此馬。夕月今誤用之。
爲郊白雀事。見西陽雜俎。

張公當時騎白雀。下與高皇共斟酌。一從九鼎向
幽燕。碧壇空鎖琉璃甃。古松舊柏黑成迷。綠瓦從中
一雉飛。楊雄不得陪郊祀。空憶當年執戟時。龍駒遠
自施羅來開平。已死無人騎。却付羽林誰健兒。壓沙
五石緩其蹄。真人雄心老更雄。月中自控赴齊宮。
四十八衛萬馬中。一塵不動五里風。黃柏太苦蔗太

廿。盛時文字忌新尖。當時作領單枚馬。付與金華宋
景濂。

十六夜踏燈與璩仲玉王新甫飲於大中橋之
西樓

樹枝畫月千條弦。十五不圓十六圓。挂向酒樓簷外
邊。南市好燈值底錢。大中橋上遊人坐。不飲空教今
夜過。紅脂在口香在樓。那能一個到壚頭。青衫白馬
無聊甚。望斷黃金小鈿鞦。

六月七日之夕與梅君客生及諸鄉里赴涼於

長安街醉而稱韻得片字

長安白。葶風吹。斷銀河。瑟瑟難成片。楚人慣自唱陽春。一曲未終人已散。西內湖荷沒。鶴長裁笛不得只聞香。東方萬瓦寒樓閣。月照金鳩琥珀黃。

摩訶庵括子松下聽弦上人彈琴

上人號無弦云翰林人所

與

括子松知幾樹。黛色遙遙入雲際。上人彈琴坐其底。十指引出七條水。松清琴妙聽者寒。松葉堆翠成高山。流濤遶殿撼鐵板。獅子欲吼復不敢。泛聲忽歇浮

雲住細絲一寸猿騰去南園玉蝶隔花聽東海金鵝
乘霧語。讀師一曲悲昌黎。我亦聞弦別鶴悽。悟來忽
問無弦旨。指鳴弦鳴須答對。是不是問太史。

謹雪

一笠黃茅小草屋也
最嚴一甕葶薺儒儒也

梅花一夜窓中見。昨冬少雪春無霰。寒來借景苦無
多。窓小只須三百片。每舉枯杯對此花。只愁落盡是
風沙。誰知勝六雖無賴。亦遣殘綃縞樹叉。一行分向
朱門屋。誤落寒酥點羊肉。錦屏不使凍胭脂。飛絮落
盡絃上撲四條舫。惡冷鷄鷄一二時。中肉作團豈無

一生黃茅裏。偃殺巖巖一。薤薤初起青蘋本。亦同大。
王畢竟是雄風。總令受者自分別。難道青天乘至公。

白鵲詩

閨南煙雨迷青嶂。孤雌挾子飛天上。却憶羈雄不得。
歸。兩。鵲。飛。龍。鎮。波。漾。片。雪。長。梢。向。尾。分。有。時。夢。見。武。
夷君。山長水遠無書寄。不及南飛鴻鴈羣。主人爲爾。
惜。惻。惻。開。籠。欲。放。非。難。放。增。繳。鷹。鷂。何。處。無。萬。里。馮。
誰報無恙。

握錐郎

城西南、握錐郎、醉臥人家樓上牀、樓上女兒髮未長、
汗脫胭脂凝、午粧錐郎雙管簫、正惡女兒一見走、且
僵走向廚中喚爺娘、認是西家老鴛鴦、從來不亂雌、
雄匹定是多爲麴蘖傷、扶下樓層梯十二、明朝說與
都不記、豆蔻孤香依舊含、葡萄千日如前醉、我聞此
語高其人、有迹無心那可噴、東牆桃花各有主、肯使
西家共個春、楚國才芳無宋玉、東鄰如花女、獨宿、
寒、墻喚玉已三年、玉對楚王堅、可憐小臣不比登徒輩、
似隔銀河路幾千、阮籍酣來眼不青、阮咸醒處大奔

鵲借馬追姑、生奪婢、因喪、弔女哭、無情、哭無情、笑有
態、倒千金、須一買、即使囊空買不成、韓香竊却未相
應、罷繡豈少倚市門、且須濁水流乾唇、投桃或可求
連理、贈藥安知不消津、烏雞配獸、亂羣、卓軫鳳皇生
逾賤、韓塚鴛鴦死越芬、青陵一曲崩高雲、

星渚篇

昨夕夢見張騫至、今朝忽遇婁星渚、同是天河往復
還、可曾相識牛和女、牛女迢迢河漢邊、烏鵲爲橋平
月圓、黃姑憐彼久離索、折取瓊枝插作妍、龍山盡處

深波白。夜夜千來弄。明月釣竿拂却珊瑚長。波聲細。
作琵琶咽。此時予思橫。不禁此際蕭郎繫妾心。樓中
刻漏滴。復滴。月裏梧桐陰。復陰。婁子訝予醉欲去。去
買鯉魚長尺許。既教柳葉出蛾眉。更取花枝催羯鼓。
鼓聲高。急似鳴鼉。星高月落。奈如何。依稀鵲叫東方
白。爲作迢迢星渚歌。

無題

中秋作

黑雲風搓成細索。皎月天開空霽落。雲索條條有時
斷。月皎夜夜同君樂。杯酒壺觴不盡興。坐到天明復

沽飲彩雲五色。月染成添護。蟾宮桂花影。

廿八日雪

時綿被盜

生平見雪頭不欺。今來見雪愁欲絕。昨朝被失一池綿。連夜足拳三尺鐵。楊柳未葉花已飛。造化弄水成冰絲。此物何人不快意。其奈無貂作客兒。太學一生索我句。飛書置酒雞鳴處。天寒地滑鞭者愁。寧知得去不得去。不如着屐向西頭。過橋轉柱一高樓。華亭有人住其上。我却十日九見投。昨見帙中大可詫。古人絕交寧不罷。謝榛旣與爲友朋。何事詩中顯相罵。

乃知朱轂華裾子。魚肉布衣無顧忌。卽令此輩忤謝
榛。謝榛敢罵此輩未。回思世事髮指冠。令我不酒亦
不寒。須臾念歇無此事。日出冰消雪亦殘。

題詩

南海荔枝我曾喫。今見雙鴈奪殘一。邊郎元是隴西
人。乃能講此南中物。我聞南海之枝更絕倫。却只聞
之未入唇。不知雙鳥爭殘顆。只是海南還是閩。

鄭本白兔 似長吉樂府

噫吁嘻。蝦蟇無異能。載昇婁宋鵲之捷。寧不能飛人。

言日廣千里月亦如之七爲樓臺三爲坻吳罍斫桂
不得睡帝命率犬而獵之婁金之宿徒有光芒趙簡
之翟旣以贈將罪今持手不得獵下呼鵲也騰蒼蒼
玉兔告慕慕不得鹿宋鵲上天玉兔下

沈叔子解沓刀爲贈

沈子報讎寒外行一詔使得千黃金買馬買鞍意不
慙更買五尺沓家鐵鏤金小字半欲滅付與碧眼譯
不出細瓦廠中多狐狸京師夜行不敢西叔子佩之
只一過黃蒿連夜聞狐啼今年我從上谷行中丞遺

我聊癸疾、買驢南歸、只兩旬、只愁馬上逢黃巾、叔子
見我無所仗、解刀贈我行、色壯畢竟還從水道歸、挂
在蓬窓兩相向、一日十拔九庠、鞞影鱗鱗入向河、
須臾報道漁竿外、電脚龍騰五尺梭、

客強予畫十六種花、因憶徐陵雜曲中二八年
時不憂度之句、作一歌、因爲十六花姨歌舞
纏頭、亦便戲效陵體、用陵韻

東鄰西舍麗難儔、新屋栖花迎莫愁、蝴蝶固應憎粉
伴、牡丹亦自起紅樓、牡丹骨領春穠發、一株百蒂無

休歡管中逕。收入雙人紙。上嬌開十二月。誰向關西
不道妍。誰數關頭見。小憐儂。爲頃刻殷七七。我亦遠
巡酒裏天。昭陽燕子年。年度誰能鏡裏無。相妬鏡中
顏色。不長新。畫底胭脂翻能故。花姨舞歇。石家香依
舊還歸。紙研光。莫爲弓腰歌一曲。雙雙來近。畫眠牀
予作花十二種。多風勢中有榴花題其卷首曰

石醋醋罵座

風流一事

洛陽城中崔處士。花園麝起花妖至。封姨十八太顛
狂。石家醋醋新高髻。醋醋能嬌百帶半。珊瑚枝上纖

鮫鮪明珠似月播難落冰住黃魚白鯧膠封姨身重
不能斤。翻杯濕却石家裙。初來競唱迎姨曲。轉眼翻
爲罵座人。朱唇粉暈山眉遠。愁來皺斷春蠶繭。石娘
嬌小不辭觴。夜深潮淺腮紅軟。金鈴不動仗崔徽。明
歲馮他十八姨。借問當時諸女兒。可似此中數抹藍
燕脂。噫吁嘻。胡蝶灰。黃蜂錐。封姨之風。豐隆雷問。畫
圖有與無。十八姨胡爲乎。高陽酒徒燕市狗屠耳。熱
之後。秦箏鳴。明日重陽。無錢可沽。十八姨胡爲乎。
十指握釣。五白呼盧。夜叉子都同醉。一壚十八姨胡

爲乎

蟹 詩亦不肯工似

雖云似蟹不甚似。若云非蟹却亦非。無意教君費裝。
裘君自裝裘。又付題。世間美好人。奪冒略涉小醜。推
向誰。此幅難云都不醜。知者賞之不容口。塗時有神
蹲在手。墨色騰煙逸。從酒無腸公。予淵欲走沙外漁。
翁扣楊柳。

王鷺亭鴈圖

本朝花鳥誰高格。林良者仲呂紀伯。矮人信耳輒觀。

場只曉徐熙與崔白。崔徐一紙價百金。風韻稍讓呂
與林。卽如此圖。王鵞亭云。是剡溪雪夜人。鴈兒一掃。
六十隻。何隻不落。青天雲沙黃蘆白。喜相逐。逸者飛。
鳴勞者宿。不須彭蠡泛扁舟。彭蠡湖今在吾目。

畫百花卷與史甥題曰漱老謔墨

世間無事無三昧。老來戲畫塗花卉。藤長刺潤臂幾
枯。三合茅柴不成醉。葫蘆依樣不勝描。能如造化絕
安排。不求形似求生韻。根撥皆吾五指栽。胡爲乎區
區。枝剪而葉裁。君莫猜。墨色淋漓雨撥開。

又圖卉應史甥之索

跌宕古快

陳家豆酒名天下、朱家之酒亦其亞、史甥親挈八升
來、如椽大卷令吾畫、小白連浮三十杯、指尖浩氣響
成雷、驚花蟄草開愁晚、何用三郎羯鼓催、羯鼓催筆
兔瘦蟹螯百雙、羊肉一肘、陳家之酒更二斗、吟伊吾
迷厥口爲儂、更作獅子吼、

九馬圉人圖二國醉瀕墮

王元美爲太僕卿時
刻穆王八駿圖形如

蟬
蛭

穆王八駿西馳去、造父把轡爲之御、此時八駿誰傳

形太倉老王太僕卿刻石嵌在卿之庭馬瘦尾尖了
無肉頸長筋綻抽蘭蕊儼如蜺蜺緣壁騰謂之爲龍
特無鱗此圖之馬乃九匹却比八駿多其一骨聳肉
勻亦奇物老眼寧知畫者誰摩挲却是孟頫筆牧夫
九人二人醉醒者扶之醉不墜河南山東牧馬見汗
酒胡葱醉似泥此時儼墮無扶持馬且失矣太僕答

完淳篇

人索咏其別字

七孔雖外交誰令滑其裏一朝一鑿之七日渾沌死
大隗山上牧馬見軒轅黃帝稱天師牧見馮馬馬則

授伯樂治馬馬生巧。噫吁嘻海若太倉之米莊生濠
上之魚紀消木雞之無敢應。野老鷗鳥之忘其機。葛
天無懷差可意。盧敖汗漫長相思。不周崩墜只下土。
破天一角誰與補。石頭五色爛如花。女嬃十筭高能
計。君不見朱提著銅銀墮。質心銀之鴈。知何限。蜘蛛
借雨詐。蠶宜絡繹將聲。渾紡車巧則巧矣。真則差。君
君號完淳。陳君請我說。我謂淳之完。辟彼雲中月。自
雲自月自掃除。高團依舊金蟾蜍。

閩江某舉伯時昭君下嫁圖單于親近之隨騎

士胡姬姬嬌而騎與單于竝，猗健可畏，鞞衣
結束，又馬華旌及姬之靴帽，竝妍，絢可愛，而
掌琵琶者尤勝。胡決不辦此，李蓋以意爲之，
取悅人目。馬三兄投賦賦之。

毛奴索金嬌，不予貌，取西施爲模。母一朝遠，嫁作閨
氏，不及宮斜一杯土。奴也貌嬌，故不真。龍眠貌嬌，相
隔千餘春。朝風莫雪一萬里，粉腮那得嬌如此。故知
兩貌師，彼此妍媸雖各別，竝是以意而爲之。人生觸
處有不幸，東脫網罟西亦非。漢宮顏色不及天子知。

胡。廷。樵。悴。未。必。單。于。終。始。親。近。琵琶。小。妾。百。雙。眉。
是。胡。是。漢。盡。花。枝。老。無。夜。醉。葡。萄。酒。遍。入。氍。毹。知。不。
知。

朱次公讀書飛來山羣彥過訪携飲塔顛方拈

六韻擬賦雨至踉蹌而下漫聞次之

枕書小睡門開半客來就榻彈書喚携壺醉客相輪
尖餓鵲窺鋪攪雲亂僧廚沸酒百蚊飛雙棗沈茶紫
蘭微酒罷書橫依舊無夢爲蝴蝶別花歸

恭臺醺

飯諧晴快

辣鼻作犀向月叩便啣鼻涕一尺長十叩九低頭作
鷺才能一噫喚作霧積年糟蠱爛人腸霎從毛孔走
大荒一戰笑受槽僞降伯倫無婦堪詒左誰持五斗
來賀我戰捷知真却病不興敗少渠真不可西國葡
萄那得來吾鄉豆醞逐家堆黃公握曲千年返卓氏
當謠百店開新渦放水荷花白舊棧濺珠黃琥珀個
個肝聞忉利天人人夢到華胥國華胥國冷醺醒生
無歎死無哭孟公紫松褰黃獨綠臺大拇抽肥玉一
澆一段魯微生閑在春窰餉醉人一嚼一噫醉輒醒

醒來却苦多煩惱。醒固不惡。醉亦好。

張旭觀公孫大娘舞劍器 荅羊海馬

大娘只知舞劍器。安識舞中藏卓字。老顛瞥眼拾將歸。腕中便覺蹲三昧。大娘舞。猛懶亦飛。秃尾錦蛇多兩腓。老顛蛇黑墨。所爲兩蛇。猝怒鬪不歸。紅氍粉壁爭神奇。黑蛇比錦。誰中低野雞。啄麥翟與暈。一姓兩名無雄雌。老顛蘸墨捲頭髮。大娘幞頭舞亦脫。貂與詩人詛題跋。常熟翁來索判頻。常熟長官錯恠人。

書茅氏畫

臺閣絲綸圖茅
老將贈一貴人

小李將軍固名筆輕描細染工如織若圖臺閣與絲
綸界畫便須三十日茅君揮灑無一塵只如此幅自
清真瀟瀟數點江湖墨寫出巖廊輔世人

附畫風竹於箴送子甘題此 率爾語神轉蒼

奇

送君不可俗爲君寫風竹君聽竹稍聲是風還是哭
若個能描風竹哭古云畫虎難畫骨

漁圖

何人畫秋色蘆花繡如組罷釣睡孤舟月滿瀟湘浦

撒網打魚驚鴈飛釣竿閒挂冷魚磯醉餘正好割鮮
膾惟殺松鱸畫裏肥

壽王生

四十年前王國鳴紅帶編繩束髮青衆客對之俱含
情我亦把酒勸一觥欲引其答騎不應今來轉晴年
六十頭髮雖黑髭鬚白諸朋作壽鵝雙蹠我却龍鍾
行不得送着一格四柿朱令我自喫省我沽惜少方
闌唱鷓鴣方闌若在亦醜吾

沈將軍詩

沈以鼓吹
起有問

將軍者誰沈家郎。學書學劍學漁陽。呼梟喝雉疲夜
場。月低日高睡竟忘。軀幹雖小膽則姜。十年從軍官
叅將。殺賊歸來坐五羊。明珠芡米側盤量。買得綠珠
可姓梁。一妻五妾愁專房。廣西藤酒世無雙。海南紅
螺不假鑲。直錢雖少貴天生。鸚鵡不談立酒旁。文犀
玳瑁細碎粧龍腦。一縷飛中央。左縣翡翠玉蟲螭。右
挂鏤金小鳳皇。迴身未步身先鏘。盼影入鬢斜。月光
拽郎髭鬚郎。吻張大卮小卮響。喉隴池中豈少。雌鴛
鴦安得老。鵲專韻。顏郎誰與歡。思邊疆。誰者換馬耶。

鄴娼盧龍將軍急才良見郎謂何用不臧且試鎖鑰
扼背吭分道密雲汝往當漢家猛士守四方沈郎沈
郎不尋常我思古人等鴈行吹簫者誰勃丞相

春野圖

北門之外多佳麗白水茫茫遶天際中有幽人春野
翁摘荷採芰紉衣袂春野讀書曾萬卷只今一字不
欲看只將元氣手中調不許紅塵眼中散昨者鑄鼎
鍊九還吾欲從之乞一丹青牛在田不肯語輕簑大
笠天將雨

劉雪湖梅花大幅 厥氣散逸

梅花自是花中魁畫梅花者今數誰雪湖劉子故不
俗未畫梅花先寫竹花梅篠竹兩相於直幹橫梢缺
不如最好片雲遮一抹尤宜大雪踏孤墜非與劉君
相見初較量長短將髭鬚圈花少讓元章筆發幹元
章不若吾捉筆呼煤將發幹閉門自不令人看須臾
歇筆乃開門一掃槎枒三丈絹我客金陵訪畫梅畫
梅真妙盛行之劉君放逸不可羈一劉一盛無雄雌
我今白日題梅畫恍忽如夢羅浮夜覺來香風攪衣

帶花下美人是何代

洞巖入鼈口有石枰石橋及石池諸景

洞深高負泥沙惡一軀巧骨裝痴癡昨聞已是三十
年今夕張燈始捫摸初疑螺尾不可梯再進再折無
盡期魚腦別波枯未已蜃郭逢沙澁懶移人言此語
得大槩却須請君說細微桃根倒殢蟲嚙久蜜脾不
挂峰歸稀三洞三洞止一隙解衣臥洞身投鼈三洞之門
曰鼈蒼枰爛斧或有人石橋浸影終無月當時將侯
身不死一去親覲五日米遙聞櫓響送江船頭上恐

是錢塘水。留云洞巖寺及田地俱鄉人蔣二舍其孫洞事如此今監橋蔣相公是也。避秦
直武陵隈。何事桃花不出來。星河作影當歸路。疑
是浮于夢大槐。

蘭泉篇

白虹細細三千尺。蘭若葉葉垂青碧。百草諸芳不敢
吹。惟有湘洲杜若與之齊。浴蛟飲鹿無不可。漱齒洗
耳隨君宜。